

UNTUK SIARAN SEGERA

21 Februari 2023

KENYATAAN MEDIA

SWM ENVIRONMENT & PUSPEN MUAR ANJUR KEMPEN JOM HIJAU & KITARECYCLE

MUAR, JOHOR, 21 FEBRUARI 2023 – Seramai 250 penghuni PUSPEN Muar menyertai aktiviti-aktiviti yang dijalankan sempena Kempen Jom Hijau & KITAREcycle anjuran SWM Environment Sdn Bhd, (SWM Environment) dengan kerjasama Pusat Pemulihan Penagihan Narkotik (PUSPEN Muar) hari ini.

Pengurus Besar Korporat SWM Environment, Mohd Norlisam bin Mohd Nordin berkata, program yang dijalankan adalah usaha syarikat dalam mempergiatkan aktiviti kesedaran terhadap persepsi pembuangan sisa terutamanya bahan-bahan yang boleh dikitar semula serta memberi manfaat kepada warga PUSPEN Muar dalam mengekalkan keseimbangan ekosistem dan persekitaran yang bersih menerusi taklimat pengasingan sisa dan KITAREcycle, demonstrasi pengkomposan daripada Universiti Tun Hussein Onn Malaysia (UTHM), Pameran *From Waste To Recycle* oleh 3R Troopers & UTHM dan Pertandingan *From Waste To Recycle*.

"Dengan cara ini, penghuni dan kakitangan PUSPEN boleh membiasakan dengan amalan kitar semula dalam kehidupan seharian sekaligus dapat mengurangkan penajaan sisa pepejal ke tapak perlupusan", tambahnya lagi.

SWM Environment turut mempromosikan aplikasi KITAREcycle sebagai satu strategi yang berterusan dimana aplikasi tersebut turut menawarkan mata ganjaran kepada ahli berdaftar yang melaksanakan aktiviti kitar semula. Mata ganjaran tersebut kemudiannya boleh ditukar dalam bentuk wang tunai melalui pemindahan wang secara atas talian (online banking).

Program ini telah disempurnakan oleh Tuan Sutekno bin Ahmad Belon, Ketua Pengarah PUSPEN Malaysia dan disertai oleh Tuan Haji Mohd Faisal bin Maksom, Pengarah PUSPEN Muar, Puan Zatur Rawihah binti Mohd Razak, Penolong Pengarah PUSPEN Muar dan Tuan Haji Mohd Norlisam bin Mohd Nordin, Pengurus Besar Korporat SWM Environment.

-TAMAT-



SWM ENVIRONMENT

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

MENGENAI KITARECYCLE

Pada 2018, SWM Environment telah memperkenalkan KITAREcycle, program kitar semula berganjaran di tiga negeri wilayah Selatan Semenanjung Malaysia iaitu Negeri Sembilan, Melaka dan Johor. Program KITAREcycle bertujuan untuk menggalakkan orang ramai melaksanakan aktiviti kitar semula dan berpeluang mengumpul mata ganjaran (Recycling Point = RP) yang boleh ditebus kepada wang tunai melalui perbankan dalam talian. Program KITAREcycle menerima lebih 25 jenis barangan yang boleh dikitar semula seperti kertas, tin aluminium, plastik, sisa elektrik dan elektronik. Orang ramai boleh memuat turun aplikasi KITAREcycle melalui Apple App Store dan Google Play Store. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

SWM ENVIRONMENT HQ:

NORSIDA TASLIM

Pengurus Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd.

Tel : 019 – 255 0908

E-mel : norsida.taslim@swmsb.com

SWM ENVIRONMENT JOHOR:

MUHAMAD BAKHTIAR BIN AZNI

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Johor Utara)

Tel : 07 – 455 6166 / 016 –4240503

E-mel: bakhtiar.azni@swmsb.com